

**STATUT
I SHOQËRISË ME PËRGJEGJËSI TË KUFIZUAR
“Co – Way” SH.P.K.**

KREU I

Dispozita të Përgjithshme

Neni 1

Shoqëria me përgjegjësi të kufizuar “Co – Way” Sh. P. K. është krijuar me date 01 Gusht 2019 nga ortaku i saj i vetem Z. Gjon Meshkurti .

Neni 2

Emërtimi i shoqërisë është “Co – Way” Sh. P. K.

Neni 3

Shoqëria e përcaktuar në nenin 1 të këtij statuti krijohet me mjete private të themeluesit të saj.

Neni 4

Shoqëria me përgjegjësi të kufizuar “Co – Way” Sh. P. K., në përputhje me krijimin e kësaj shoqërie dhe me legjislacion shqiptar, rregullon pozitën juridike të themeluesve dhe të punonjësve në shoqëri, të dhënat me rëndësi për qarkullimin juridik, organizimin, objektin e veprimitarisë dhe çështje të tjera me rëndësi për punën e shoqërisë.

Neni 5

Shoqëria “Co – Way” Sh. P. K. është person juridik shqiptar dhe fiton personalitet juridik nga data e regjistrimit në organet përkatëse. Shoqëria ushtron veprimitarinë e saj në përputhje me legjislacionin shqiptar dhe dispozitat e parashikuara në dokumentat e krijimit të saj, kontratën dhe në këtë statut.

Neni 6

Shoqëria do të kryejë aktivitet me objekt:

- Prodhim dhe tregtim me shumice dhe pakice i kafese se perpunuar dhe te pjekur ,kokerr,te bluar ,me kapsula etj..
- Prodhimi dhe tregtimi me shumice dhe pakice i pijeve dhe produkteve ushqimore per bare dhe restorante.
- Prodhimi dhe tregtimi me shumice dhe pakice i paisjeve dhe makinerive per bare dhe restorante.

- Prodhimi dhe tregtimi i makinerive per nxjerrjen e kafese expres ,kokerr dhe kapsule per makineta
- Sherbim bar restorant .
- Import –export i kafese dhe mallrave ushqimore e industriale. Import dhe tregti te makinerive dhe paisjeve industriale dhe rafte metalike.
- Perpunim i kafese me material porositesi.
- Dhenie me qera e makinerive dhe pajisjeve, mjete transporti, etj.,

Neni 7

Selia e shoqërisë “Co – Way” Sh. P. K. Është **Rugë “Aleksander Goga ” Hyrja nr.1, zona Kadastrale 8511 nr pasurie 18/137, Durres**

Neni 8

Shoqëria ushtron veprimtarinë e vet të përcaktuar në këtë statut në territorin e Republikës së Shqipërisë. Për kryerjen e kësaj veprimtarie shoqëria mund të çelë degë, filiale dhe zyra të saja të përfaqësimit brenda dhe jashtë vendit në përputhje me legjislacionin shqiptar dhe të vendit ku është hapur.

Neni 9

Shoqëria kryen veprimtarinë e saj për të realizuar fitimin e saj duke u mbështetur në parimet e likuiditetit, sigurisë dhe rentabilitetit.

Neni 10

Pjesëmarrja në shoqëri nuk e pengon ortakun e vetëm të ketë pavarësi ligjore për veprimtari të tjera e për të drejta të tjera pronësie.

Ortaku i vetëm nuk përgjigjet për detyrimet e shoqërisë që rrjedhin nga objekti i veprimtarisë së saj tek kapitali themeltar.

Neni 11

Të drejta kryesore të ortakut janë:

- Pjesëmarrja në administrimin e veprimtarisë së shoqërisë më përputhje me kontratën dhe statutin e vet ose nëpërmjet përfaqësuesve të tij.
- Pjesëmarja në rezultatet e veprimtarisë së shoqërisë në çdo formë dhe sasi qoftë në përputhje me statutin dhe kontratën.
- Pjesëmarja në organet e shoqërisë që janë ose mund të krijohen nëpërmjet përfaqësuesit të tij ose vetë.
- Të kërkojë t'i jepen të gjitha informatat që kanë të bëjnë me gjendjen tregtare të shoqërisë si dhe të gjitha dokumentet e përpunuara të shoqërisë si bilancet, llogaritë ekonomike etj.
- Të bëjë propozime dhe t'i paraqesë ato për shqyrtim para organeve të shoqërisë.

- Të emerojë dhe të shkakrojë përfaqësuesit e saj, punonjësit, ekspertin kontabël dhe likuidatorët.

Neni 12

Detyrimet e ortakut janë:

- Pjesëmarrje në administrimin e shoqërisë nëpërmjet organeve të krijuara prej tij, personalisht ose nëpërmjet përfaqësuesve që krijon ai.
- T'i japë shoqërisë informacionet e nevojshme që kanë të bëjnë me ecurinë e veprimtarisë së saj
- Të kryejë shërbimet e nevojshme për arritjen e objektivave të shoqërisë dhe realizimin e funksioneve të saj.

KREU II

Kapitali i Regjistruar

Neni 13

Veprimtaria e shoqërisë realizohet në bazë të veprimtarisë kontabël dhe pasqyrohet në bilancin e saj.

Neni 14

Kapitali i shoqerise eshte 100.000 Leke. Kapitali i shoqerise ndahet ne një numer kuotash ne raport me kontributin e dhene nga cdo ortak ne shoqeri ku cdo ortak zotérôn një kuote te vetme ne shoqeri, kuota keto te shlyera si me poshte:

Z. Gjon Meshkurti zotérues i një kuote me vlerë të përgjithshme 100.000 leke që përbën 100% të kapitalit të shoqërisë.

Kontributi i ortakut mund te jete ne para ose ne natyre (pasuri te luajtshme ose te paluajtshme apo te drejta). Ortaku i vetem per gjigjet per humbjet e shoqerise perkundrejt te treteve deri ne vleren e kontributit te tij ne kapitalin themeltar te shoqerise.

Neni 15

Në rast zmadhimi të kapitalit themeltar nëpërmjet shtimit të pjesëve të saj, ortaku i vetëm i shoqërisë ka të drejtën e rritjes në mënyrë proporcionale.

Neni 16

Pjesët e kapitalit themeltar janë plotësisht të transferueshme në rrugë trashëgimie në rast ndarje pasurie ndërmjet bashkëshortëve, paraardhësve dhe pasardhësve. Transferimi duhet të vërtetohet me akt notarial.

Neni 17

Shoqëria në emër të vet është pronare, përdoruese dhe disponuese e pasurive të saj gjithmonë në përputhje me qëllimin e objektit të veprimitarisë që ajo kryen. Shoqëria mund të shesë pasuri ose të shfrytëzojë të drejta të tjera materiale. Ajo mund të ofrojë për garanci dhe pasuri të saj për të marrë kredi bankare.

Neni 18

Shoqëria krijon fonde rezervë ose fonde të tjera të veçanta për zhvillimin dhe nxitjen ekonomike të saj.

Shoqëria disponon mjetet e veta financiare. Detyrimet eventuale që mund të lindin gjatë veprimitarisë së saj mbulohen nga fondet rezervë, fondet e tjera ose nga shumat themeltare që kur dëshirojnë mund të derdhen prej ortakut të vetëm, në rastet kur këto detyrime nuk mund të mbulohen nga fondet ekzistuese.

KREU III

Viti Financiar, Llogaritë Vjetore, Ndarja e Fitimit

Neni 19

Çdo vit financiar fillon me 1 Janar dhe mbaron me 31 Dhjetor. Përjashtimisht viti i parë financiar ka filluar në ditën e regjistrimit të shoqërisë dhe perfundon më 31 Dhjetor të atij viti.

Neni 20

Pasqyrat Financiare vjetore të shoqërisë deklarohen brenda datës 31 Mars të vitit pasardhës.

Neni 21

Ortaku e përballon vetë humbjen e veprimitarisë së shoqërisë në të ardhmen.

Neni 22

Llogaritë vjetore, inventari, raportet, operacionet e vitit financiar dhe raportet e veçanta të hartuara nga administratori dhe eventualisht nga eksperti kontabël i autorizuar miratohen nga ortaku i shoqërisë. Miratimi i dokumentave mbi veprimitarinë vjetore bëhet brenda një afati 6 muajor nga data e mbylljes së vitit financiar.

Neni 23

Fitimi neto i realizuar nga shoqëria, pas zbritjes së të gjitha detyrimeve si dhe fondet e lëna për rezervë për nxitje ekonomike, për investime, për reklamën tregtare etj e përfitosh 100% ortaku i vetëm i shoqërisë.

KREU IV

Administrimi

Neni 24

Asambleja e përgjithshme mblidhet në rastet e përcaktuara nga ky ligj, nga ligje të tjera ose nga dispozitat e statutit dhe sa herë që mbledhja është e nevojshme për të mbrojtur interesat e shoqërisë sipas kërkesave të nenit 82, pika 2 e ligjit nr. 9901. Me përjashtim të rasteve kur statuti parashikon një shumicë më të lartë, asambleja e përgjithshme vendos me tri të katërtat e votave të ortakëve pjesëmarrës, siç përcaktohet në pikën 1 të nenit 86 të këtij ligji, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë. Mbledhja e jashtëzakonshme e Asamblesë vendos për çështje të tillë si ndryshimi i statutit, zmadhimi, zvogëlimi dhe transferimi i pjesëvë të kapitalit themeltar, shndërrimin e shoqërisë nga Sh. P. K. në forma të tjera si dhe mbyllje të shoqërisë sipas kërkesave të ligjit Nr. 9901.

Neni 25

Administrimi i shoqërisë bëhet nga administratori.

- Asambleja e Përgjithshme cakton administratorin për një periudhë 5 (pesë) vjeçare sipas parashikimeve të shkronjës ‘c’ të pikës 1 të nenit 81 dhe të nenit 95 të Ligjit Nr. 9901 datë 14.04.2008 “**Për Tregtarët dhe Shoqëritë Tregtare**”. Emërimi do të jetë individual dhe sipas një vendimi të marrë me shumicë të zakonshme nga Asambleja e Përgjithshme.
- Kufizimet në lidhje me emërimin e Administratorëve parashikohen në pikën 2 të nenit 95 të Ligjit Nr. 9901, “Për tregtarët dhe shoqëritë tregtare”.
- **Z. Gjon Meshkurti** caktohet si administrator i shoqërisë për një periudhë prej 5 vjet, me të drejtë riemërimi.

Neni 26

Kompetencat e Administratorit janë:

- Miratimi i planeve dhe llogarive ekonomike pas përpunimit të tyre në kuadër të veprimitarisë së shoqërisë.
- Të bëjë propozimet e nevojshme në mbledhjet e asmablesë, kur lind nevoja e ndryshimit të kapitalit themeltar.
- Miratimi i akteve normative që përcaktojnë raportet e shoqërisë duke përfshirë kuadrin, dhe personelin.

- Përcaktimi i strukturës së aparatit të shoqërisë
- Krijimi i organeve të tjera të domosdoshme për realizimin e objektivave të shoqërisë.
- Propozimi në mbledhjet e asamblesë për krijimin e njësive, strukturave, filialeve, degëve dhe përfaqësive në qytet të tjera të vendit apo jashtë shtetit.
- Për zgjedhja e Ekspertit Kontabël dhe anëtarëve të komisionit të likuidimit dhe paraqitja e propozimeve për miratim në asamble.

KREU V

Prishja dhe Njoftimet

Neni 27

Kontrolli i shoqërisë mund të kryhet nga një Ekspert Kontabël i Autorizuar për tre vite financiare me mundësi rizgjedhje. Ai caktohet nga ortaku i shoqërisë. Shkarkimi i Ekspertit Kontabël të Autorizuar vendoset në të njëjtat kushte si emërimi, ose kur bëhet e pamundur kryerja e detyrave.

Neni 28

Në rast likuidimi të shoqërisë, likuiduesi, në përputhje me Ligjin dhe Vendimin e marrë nga Asambleja e Përgjithshme, mund të shpërndajë në dobi të ortakëve të gjithë ose një pjesë të vlerës së pasurive të shoqërisë dhe për këtë qellim, mund të vlerësojë çdo pasuri dhe të përcaktojë mënyrën e shpërndarjes midis ortakëve të shoqërisë.

KREU VI

Dispozita të fundit

Neni 29

Ky statut së bashku me ndryshimet dhe të gjitha dokumentet e tjera, raportet, komunikimet dhe procesverbalet e dhëna nga shoqëria do të mbahen në një libër të veçantë që mbahet në selinë e shoqërisë.

ORTAKU I VETËM I SHOQËRISË

GJON MESHKURTI

